

永樂大典

卷九百十七

# 永樂大典卷之九百十七

二支

## 師 大師二

宋眉山唐子西集代謝祭大師啓 始緣力請得返葬廬終賴仁私盡還  
 舊物豈惟銘佩亦復兢惶其屏迹累年無識面者闔門度日將終身為自  
 收老大之心遂絕進陞之望未甘扶杖起居雖健於管寧久已飾巾志意  
 自同於陳寔忽奉昭回之蹟大推霽霽之恩舊惡宿愆一時蕩滌前侯故  
 將以次就收顧惟朽鈍之軀屢費陶鑄之手終蒙記錄不忍棄捐謂其嘗  
 任宰司故優其班序謂其久安田里仍處以虛閑就使自為之謀想亦不  
 過如此靜循其本敢不知歸此蓋伏遇某官以王佐之才值聖人之運將  
 今四海盡蒙此屋之封首使一夫獨掩向隅之泣致茲表述亦極寵榮食  
 既愈浮寧有小言之補位非所構得無大羞之憂辭受之間莫知所措李  
 曾伯可齊集代蜀總賀史丞相拜大師魏國公啓 大庭播告上蒙登庸  
 定鼎相成師禮重周公之德分圭啓魏國名嘉畢萬之封昭宗臣佐策之  
 勲示明主報功之寵古今盛事中外歡心竊以六典作姬首三公而始置

### 永樂大典卷九百十七

百官表漢非一職以為稱自尚父得於磻溪而子房奮於黃石寥寥千載  
 落落幾人迄我皇朝尤為曠典惟淳化真人之紹述禮趙普以勲勞至元  
 祐天子之初冲拜路公以年德中興而後未見如斯考國史之所闕獨會  
 稽之先烈然在孝廟十年庚戌之旦始疏魏社之封迨于光皇三月甲寅  
 之辰初演師禋之命非以欽崇於舊學則由推佑於重光方蔚為寶訓之  
 首稱况繼金甌之全美超前越後僅有絕無恭惟某官社稷重臣國家元  
 老正權綱於聖化更張之日運籌策於王室規恢之時事能應物能名持  
 著龜之先見剛不吐柔不茹存金石之誠心坐扶茂陵三十載之治功益  
 衍炎祚萬億年之休命赤馬獨隆於左右黃旗漫盛於東南屬闕曆數之  
 紹光方卜謳歌之歸啓天擎翬柱金勝藏代發之書日洗虞淵王几任保  
 到之寄遂定一代延長之計光彰兩宮仁孝之忱以至義贊鬼神息四海  
 鷓鴣之難信行蠻貊格五胡狼虎之姦國勢無山岳之動搖人心有松栢  
 之茂悅刈登鴻碩叶贊燕詒奉廣妣之徽音佐繼罔之丕烈屹然於猗容  
 審勿之頃隱若有憑藉維持之基斯先享於天心宜莫隆於人壽竊聆奎  
 翰親發玉音道慈訓之丁寧示元勳之尊顯謂先朝眷倚之意當示策崇  
 而今日擁燭之功豈容謙抑所以彰兩朝不世之積德二祖在天之靈異

數肆欲。會言惟允。山川世胄。方益增茅土之封。巖石民燮。當愈重槐庭之位。然且秉樞機之周密。運鼎軸之奠安。被之詩歌。宜在燕民。松高之雅。炳之史冊。無愧伊訓。說命之書。身親見之。民主幸甚。某謬司井絡。久屬秦階。矧竊聽於黃麻。喜欲廢於綠竹。丹心報國。敢忘雨露之深恩。白首逢時。未分江湖之終老。賀鄭左相除太師魏國公啓。辭免太師。制麻誕播。魁柄載持。不必備官。惟其人。謙處維垣之責。爰立作相。置諸左。晉封大國之榮。九鼎尊安。八埏閭燁。瞻本朝之上宰。圖共政以萬人。命路國於至和之二年。則反首台之重陟。復岐公於隆興之初禩。亦由次輔以後升。大冊登闕。前修丕邁。恭遇某官。器閎而用傳。誠立而明通。有王佐才。務引其君於當道。曰大人者。將以先知而寬民。公論恃之以統盟。善類倚之爲宗主。自運公袞。叶輔展旒。持勁節之冰霜。歸隆知於金石。慨念治功之遠邈。圖回世運之艱危。酬酢我微。望誕力量。統百官而撫夷夏。遂萬物以理陰陽。容爾仗肱。比三年而爲國。隆吾體貌。成一德以享心。上方待之以不名。公逾遜然而毋伐。茲頌九命。式副群情。然且陳善責難。俯隨姚崇十事之說。辭榮就列。速逾鄧彪三避之高。對揚帝訓之丁寧。審勿柯術之倚賴。冠榮拒斗。衍賦公去。蓋將畢大儒熙載之工。予以副明主仰成之意。第惟事會尚

貴謀猷。治善化吏。雖類解以方調之。謫師老財。賸始如故。而未地之弓。抑猶聞尺脉之證深。未易方七劑之效速。旁觀泛論。雖非實誼。陸贄以能言。單智盡忠。孰識如晦元齡之不易。竊窺偉奏。敬嘆盛心。譬彼中流。駕萬斛之航。而必扁。曼乎行道。審六馬之馭。以何難。天其開平治之期。時則賴扶持之力。器舊人求舊。無疆惟休。德新日又新。永膺多福。某窮閭屏跡。大廈圓身。風象化治之生成。今親明綸。而鼓舞。謹名未洗。豈敢希人才再予之收。慶頌喧傳。猶願幼儒士。歌詩之作。胡寅斐然。集代張于期上。蔡太師啓。不度寒微。敢緣恩紀。輒伸懇款。况胃威尊。願惟螻蟻之誠。難覩堦塔之造。再三以漬誅。謹是宜。伏念某。鷲鷲下材。瓶罌小器。志惟守分。任則爲貧。奉香火之明祠。寸能莫効。謹風宵之常職。五斗是資。荷恩歲華。遠終考稜。永惟熙旦。犬闕夷途。人懷布武之心。士切競辰之志。乃願早飛之羽翼。已踰細滿之光陰。代者它方。杳然來耗。滯留興嘆。瘞人不忘於起行。埃北無垠。頑礦實思於鈞鑄。况異代居夷之難。有本家先祖之忠。早披賞音。下延族從。萃隆私於門戶。銘深感於肺肝。念此僥求。非無階級。雖降才不。如騶鼠五技而易竊。然所欣甚微。在鷓鴣一枝而已。足危誠迫切。公聽旁通。某官。命世大賢。興邦元佐。蹈危履險。確然金石之不移。守信實忠。炳若星



辰之有度。一登檢路。大振邦榮。橫舟楫於風濤。巨川攸濟。置筮梅於鼎彝。衆口稱和。秦漢已遠。黜厲莫二。蓋以伊周之術業。賡陪堯舜之都俞。百揆惟公。蓋自任以天下。一夫不獲。如已推諸溝中。自怡博散之無庸。未辱匠師之所弄。一施斤削。即預稱揚。某誓當勤瘁當官。靖共守位。思康身而報德。方屏息以祈恩。王紫微先生集代張師謝太師除教學啓。假行都捍壓之權。漸無課最。寓延閣高華之直。誤被龍遷。命拜日天。恩歸有地。竊以京兆重守符之任。甘泉嚴從索之臣。出則濟治於劇繁。入則備承於顧問。昔兩都求治。責三府之政聲。今六閭相輝。藏累朝之寶典。故輦轅雖刺我之地。或筆囊陪侍從之班。如其未符鼓之稱鳴。安得預瀛洲之妙選。伏念某材庸樗散。質愧秦昏。有家漂流。逢世恢復。策名委質。徒堅父教之志。趨事赴功。無益公家之利。項自湖湘之味遠。誤蒙廊廟之召收。旋將漕於日畿。繼承流於天邑。暮年已勉。策十駕以不前。衰病居多。無一毫而仰報。屢有奉祠之請。庶銷曠職之憂。未聞洪造之矜從。反見清班之驟環。仰知全度。終欲曲成。寵至若驚。固當力疾。感深而泣。徒自戴恩。茲蓋伏遇某官。一德享天。三王施事。致主復雍熙之治。躋時題晏聚之期。道本容屬。運極樞而變化。人無求備。采對非以用才。遂俾庸虛。亦叨甄獎。某敢不益思不逮。

永樂大典卷九百十七

三

求稱所蒙。若泥在釣。已荷甄陶之賜。我心匪石。實懷慕刻之於。感愧所存。歎殫曷既。沈文通西溪集上留守太師傅中啓。伏念某竊伏東藩。藐然萬里之遠。仰占台象。倬爾三階之崇。禮殊等威。執絕中外。故不敢以翰墨之屑。輒自過於屏棄之前。雖是瞻慕珠金之無窮。不知夙夜啓居而有間。宜謂某官。誥六公之貴。志相國之卑。命記室以占辭。因行人而傳制。龍喻象贈。光熙海濱。內視其愚。實無以稱於題品。尚期有立。庶幾不辱於門閭。下情無任感激之至。上并州判府太師相公啓。伏審某官。易節成德。撫封太原。丹書班聞。士論和附。恭以某官。自天生德。與世會事。歷試朝廷之難。武乎華夏之望。越參大政。再政冢司。有靖亂之功。銘如彝鼎。有致平之業。格于皇天。雖外均乎逸勞。實內倚乎藩屏。上惟全晉之舊。大河之東。總萬兵之符。制二虜之患。必用元臣之重。以張連帥之威。蓋以師長百億。故特尊於端樞。且將節度諸將。故專昇於中樞。富貴歸於故鄉。勞天驅於縣令。人臣之極。行路以榮。然海隅之民。尚有缺望。政事之召。實期須臾。豈伊一方。獨被大賜。某守藩于遠。拜慶無階。瞻望欣愉。倍百常品。紀慕荆海。方雲冀質。徐太師啓。祇奉白麻。連登黃閣。勳高不世。孰先柱石之元臣。品冠非常。獨應台階之上象。神明交贊。朝野同休。竊以六飛南幸者。十有

# 永樂大典

## 卷九一七

七年。兵氣蓋嘗勞於百戰。兩宮北狩者幾踰萬里。驛塵初不到於遊燕。念天步之多艱。痛神州之未復。人雖願治。計靡圖全。中更貪功喜事之臣。請張而發於失措。繼遣詔國謀身之士。懼蹇而苟嘗有為。和戰分為兩途。是非同於二變。更用九稍。迄無成功。惟公一人。獨贊英斷。迨使輅之再臨。地盟墨之未寒。盡返龍輜。親迎駟馭。九重天笑。披長信之春風。萬歲山聲。動未央之曉箭。偉矣君臣之相悅。欣然華夏之交歡。在昔所無。於今為盛。其惟某官。心常體國。德善稱兵。稟重厚之資。惟忠足以結主。養中和之氣。惟誠為能動天。排群議於風波。萬頃之中。破異黨於盤錯。十尋之外。人曹固敢。已獨美疑。用能動不失時。直使慮無遺策。控際彭於掌握。三合而十軍盡分。連條陸如天談。一言而兩國交定。有臣如此。其報云何。商樂阿衡。欲有謀而必就。唐尊德裕。恨無官之可酬。是宜袞榜龍盤。應橫尾。固將坐而論道。豈待均於佐玉。天子與之臨軒。朝臣為之下拜。擇賢而授。舍公而誰。封加魏國之崇。位在周公之上。黑頭元冕。足觀鼎盛之榮。玉帶金魚。更覺官高之貴。而况受千齡之間氣。符當代之中興。允合諸侯。却兵車而不周。咸寧萬國。資保大以為和。宜列屏之三槐。真擎天一柱。功名富貴。身同四海之安。宗廟朝廷。勢增九鼎之重。某。避開坦制。滿漱儒衷。惟素擬於

永樂大典卷九百十七

四

登龍。偶尚同於退鷁。年齡浸晚。歲月徒嗟。獨帶山河。誓等無窮之勲業。鍾壚造化。願同未就之坯坭。陳元裕上太師啓。明堂一柱。精忠直貫於三靈。廣廈萬間。庇蔭遍周於九野。自古大有為之主。欲躋夫至治。必有不可召之臣。共濟其康功。措天下之危亂。於已治已安。表賢人之德業。於可大可久。網維再整。竹帛難殫。但見夫君明臣良。四海仰鼻陶。屢載歌之詠。更加之禮制樂作。一時歸蟻。且致慨樂之風。能此道吾誰與歸。非盛德曷以臻此。恭惟某官。稟天間氣。作世真儒。勲業冠於伊周。忠嘉合於稷禹。凡赤馬之孫。碩嚴嚴。維石之具瞻。奮忠而權以大謀。沉幾有吉之先見。始圖步丁多艱之際。奮義。据馳不測之淵。正直質諸鬼神。忠信行乎蠻貊。天欲平治。使我公歸。時方艱虞。為蒼生起。正三軍之鼓勇。偶一介之尋盟。執劔者如燕雀。蚊蚋之過前。君子以獨立不懼。異議者若肝膽楚越之相視。大人以合并為公。片言定約於樽俎之間。兩國罷兵於衽席之上。天迴地轉。霧散雲收。介冑變而為衣冠。劔戟銷而為鋤耒。論已往之芳烈。奴隸皆知。要無象之太平。丹青莫狀。且以濟天下。迄今十載。丁茲。兵歸府而將歸朝。農處野而士處校。播場之師。干不試。鳴音。南北活幾百萬之生靈。僧道之度牒不行。版籍增數百千之戶口。敷誠盟府。德享天心。豈徒弄刀



筆。依日月之末光。誠以吐經綸。勸仁義之既效。抑又未鈞當軸。以總三鈐之柄。庶幾度德量材。而期百職之修。如某者。閭閻歎生。武夫冷族。迹遠齊魯。詩書之國。世非東西。將相之家。鄰陳分光。獨對聖賢之典。再窮閭管見。漸無師友之淵源。早曾累薦於鄉評。晚乃叨慶於末第。服災積蟹螯之書。未熟。自嘆傳龜手之術不靈。勉強銓衡。而法律之士。方求精於素曠。適逢類試。幸縉紳先生重稽古於禮文。俾茲蠹紙之魚。首玷禮堂之雀。金爐造化。藻泮清優。况領風教於四明。賈倍等倫於二浙。人材吐蕙。非力以從古。有聲。歲月因循。自漸無補。坐糜廩給。濫造階資。既逃曠職之誅。敢後越庭之禮。藥克參桂。雖不足助調元之手。於千金。筆補乾坤。亦或能厲化工之巧。於一點。與其進也。請試申之。儻狂狷或不足以剪裁。則進退當自安於愚分。趙彥端藉田賀太師啓。光輔聖躬。肇開帝籍。雖九功叙禹。皆導民務本之心。而庶事備周。緊論道經邦之力。迄成懿典。允賴宗臣。竊稽十畝之上儀。罕偶一時之亨會。文帝舉於蕭曹既遠之後。太宗行於房杜未相之前。禮粗講而少經綸。論或清而無折衷。刑由多故。寢逸舊章。上有務農重穀之誠。靡違於暇。給下有力。穡服田之意。每害於派止。寂寥載芟之詩。曠絕旬師之職。五穀熟而民人育。昔莫保於小康。元首明而股肱良。今

宋樂大典卷九百十七

乃親於能事。增光累聖。貽訓四方。共惟某官。福被生靈。功存社稷。享天心以一德之有。舉明主以三代之隆。爰當文治之期。肆奉親耕之詔。齋宮御事。謹太史之先時。龜卜吉謀。叶孟春之元日。對威顏於南面。導法駕於東郊。酸假無言。既奉承於明薦。蕭蕭顯相。式冠映於群工。而况總攝使名。進共御未。奏函在史。追加禮於乾元。勞酒班朝。首殊勲於太極。君臣盡道。今古絕儔。某。又託陶鈞。屬還表著。獻安仁之賦。敢妄意於昔人。述于淵之辭。但馳情於善頌。周紫芝賀太師啓。通燿火以親祠。爰重配天之義。載太常而紀績。首疏作土之恩。既申錫於隆名。乃對揚於休命。衣冠欽覲。宗社安榮。共惟某官。盛德體仁。陰功及物。休兵解甲。知黜武之無威。繼好息民。故交隣而有道。邊烽盡滅。使幣相望。俾狂瀾既倒而復回。本善師不陳而能勝。雖盡忠竭節。在事變撥契而不過。至扶顛持危。豈房杜姚宋之可及。禮樂因斯而大備。君臣俱欲於無為。乃即南郊。以扶元祀。神倉積而菜蔬必繁。景鍾奏而律呂遂諧。蒼壁嚴儀。八陛合圓丘之制。清臺占象。五星呈同色之祥。大禮既成。淵表載喜。謂告太平。乃文祖之德。而祀明堂。則周公其人。揭一德之名。本取精忠之意。錫益都之號。又歸輔弼之功。皆出聖神之自知。考諸書傳。而未有某論。才雖陋。感德則深。草木至微。亦繫造化

生成之數。嘉魚遂性。宜無游泳鼓舞之情。翟忠惠先生集賀拜大師啓。伏觀制詔。正月一日。大慶殿朝賀。受傳國八寶。太尉僕射相公。再拜大師者。仰止三朝之老。蔚為萬衆之師。裂以山川。世昨之封。崇以鈇鉞。專征之器。貴窮人壽。克享天心。古者天子有七人之爭臣。大師首三公而論道。所以儀刑海內。輔導帝躬。嚴朝廷則爵為達尊。事德義則貴有所在。成湯先學於伊尹。必有所不召之臣。楊公無人乎子思。不能安長者之側。有來命世之哲。以起非常之元。恭惟大師僕射相公。道濟滄論。大能經緯。非予覺之誰也。董曰。友之云乎。王曰。嗚呼。父師作。祇命周公之典。余惟克邁。乃訓。繼舊學。甘盤之賢。極名器。則禮敬益隆。咨典刑。則老成爲重。就訪大事。必先太史之乞言。俾乘安車。參用黃門之設。凡底於五典。論厥九疇。以鎮定如巖石之瞻。以傳厚若阿衡之倚。一國之巨室。所慕爲政。不難天下之大老。來歸。其于馬往。用能制作禮樂。頒度量於明堂。寅亮聖明。受恭元之神策。聲稱寶玉於赫。被容。然而無競。唯人。惟德。其物。昔者倚相。能道訓典。晉大夫問於白珩。子反善理兵戈。秦使者改觀於和璧。不有君子。將焉取斯。洪惟熙洽。盛治之聖朝。相以瑰璋。光明之人傑。光于史冊。配君陳畢命之書。載之聲詩。詠崧高。蒸民之雅。賀大師收燕山啓。伏審告廷大

號。正位上公。遠冒山河。擁百靈之交。遊廊廟。膺多福之鼎。來。凡遠有生。孰不同慶。恭惟某官。三朝元老。四輔宗臣。忠誠動乎旻旒。威信行乎華夏。謀深辟國。無如召公。道懋格天。有若伊尹。由是致二帝三王之治。用能眷燕雲。久湮沙漠。累聖未呈於問罪。窮首自致於渝盟。當守請行。來機撫定。鏡誦萬旅。正十六州。疆場之初。烟火一家。復二百年。版圖之舊。廟略已定。凱旋而歸。勒名重崖。舍將清廟。固宜備非常之典冊。然後稱不世之勳。勞錫有彤文。亟上元戎之節。袞衣赤舄。首登真相之班。益峻臣鄰。永熙帝載。某方馳騁。駟莫造。到庭闈。社稷之殊休。增指紳之愧氣。輒陳固陋。敢冒近嚴。亡云詞語。漬頌。欲盡芻蕘之議。位親間絕。願寬鈇鉞之誅。對屏山集。代賀奉大師啓。伏審。顯膺再命。進陟帝師。惟大勳偉業。常出於艱難。非純品殊階。則無以報稱。既內崇於毗倚。亦外贊於觀瞻。出自上隆。無心不悅。共惟大師僕射相公。氣鍾英偉。德蹈中庸。忠亮貫於神明。聲名播乎夷夏。高仰連之罪。嘗恥帶秦。喜季子之歸。果聞昌嘗。荐膺圖任。益登謀謨。先審定於國維。度更張於戎政。宣公遠慮。明國家臂指之權。德裕一言。解藩鎮輔車之勢。人情不駭。王室益尊。當敵國之奔盟。察天心之悔禍。綏之以



德斷以不致違誠意之既乎凡指求而必復同軌畢至慰周後反葬之恩  
註步不忘遂長信承顏之樂事非衆料功異前聞嘉猷允契於宸表派慶  
大教於寰海燭蒙珪帶已承特異之恩紫蓋黃旗克佐方輿之運如天所  
授何謀不成某猥辱甄陶喜聞播告愚趨莫復敢通削贖之誠蝶夢徒勤  
企想維垣之峻葛勝仲丹陽集賀秦大師啓 伏審根膺再命擢拜帝師  
慶決人天恩流華裔竊以爲三公而論道尤重師臣宅百揆而惠時仍都  
相職專惟周室大倚師垣雖武用大公嘗著鷹揚之效而成尊姬旦猶存  
振聳之疑孰若策不賞之元勳正久虛之重任君臣有是業之合社稷致  
磐石之安民言大同國是坐定恭惟某官博大而持正高明而守中格于  
皇天夙負耕莘之履保茲天子共推降嶽之美跡次輔之協忠正冢司而  
專任操持一節調災萬微仰惟東朝久淹朔野望慈闈於萬里之外阻大  
養於一祀之餘雖睿主焦心以待其還然群臣卷舌而不敢議獨公決策  
與神爲謀既馳使駟以輸誠果見鑿與之返國事光陸賈功百侯公兩宮  
之靈祇繼運中壺之龍輔亦至慈寧顯敬獲仲愛日之考誠永固崇成復  
慰在天之靈鑿惟此非常之盛事併歸夾輔之秘謀財鼓橐弓已見升平  
之象苴茅胙土更期慶賜之行伏念某備官過懸尸祿道館十年留落自

永樂大典卷九百十七

七

安康度之群一德明揚敢忘燕雀之賀張守叱陵集賀秦左相除大師啓  
伏審時庸元弼正位師臣龍疏兩國之封魏冠群公之表四方瞻聳萬  
口雖呼共惟某官恍誠足以格天敦厚足以鎮物立奇節於多難之始結  
異眷於中興之辰早激孤忠固捨生而取義晚照大政復遭變而知權謀  
猷入告而聖主仰成精神折衝而敵國退聽可屬大事陋周勃之少文坐  
止訛言本王商之多質既獲和戎之利遂臻偃革之期固陵復土而燕在  
天之靈長樂還宮而酬陟此之望熱煥鼎鍾之勳榮紆袞爛之褒默銷黃  
口之浮言率歸輿誦復見黑頭之盛事更掩前聞更申帶纒之盟永作巖  
廓之鎮某又叨契好不替初終得請真祠悅沉痾於垂死偷安故里瞻盛  
典於餘年永懷坻埴之私莫綴措紳之賀喜而不寐言之無文張紫微先  
生集賀秦大師車駕幸賜第啓 伏觀邸報六月初三日車駕幸大師僕  
射相公賜第者里旅勸功帝眷已居於輪奐定章既定天臨更駐於和鑿  
事絕前聞歡騰無外伏惟慶慰竊以漢賜令其近我蓋嘉面雅之功齊第  
列於原莊實侈致賢之盛然事或乖於宜稱禮未極於優隆宜若聖時獨  
超振古非但爲尊儒之懿繁實增汗簡之光伏惟大師僕射相公道冠伊  
臯功踰周召澤被兩朝之赤子咸歸英統之安德符上聖之好生宜有廣



永樂大典

卷九一七

居之賜。其夙蒙恩遇。久荷悌悌望丞相之門。豈絕掃塵之念。矧候奄之意。初無善頌之辭。史蓮奉先生家集代張丞相德遠賀奉丞相除太師啓。伏審。願膺命典之隆。首冠恭階之重。伏惟歡慶。恭惟太師僕射相公器涵。精粹學茂。經綸出入。險夷躬履。危而可砥。地張文武才任大。以優為資。限遠之威。懷輔格天之孝治。式旌魏御。歸止保茲。功尤軼於前聞。事有光於振古。彝章攸舉。典論會諧。暢達上之邈然。聳宏休之卓爾。莫展造前之慶。徒動打璣之杵。周紫芝太倉梯米集進書賀奉太師啓。詒孫謀以燕其子。既奉成書。漢大號以揚明庭。爰頒龍綉。布在文武之方冊。恭諸堯舜之典謨。夷夏交孚。神人具喜。共惟某官。周邦元老。商后聖臣。符箕六經。襲孔子剛。詩定書之志。陶成萬化。當周公制禮作樂之剏。偃兵革於造方。混車書於區夏。寶隣修好。上帝降康。適國家闡敷之時。乃文物修明之日。聖謨具存。宜增唐帝之煥章。武烈既昭。當矢周宣之文德。載之巨蹟。實賴宗工。聿進河洛之圖書。備述帝王之儀憲。奎壁騰曜。聚若雲漢之昭回。金匱寶儲。永作邦家之軌範。繁此聖神之作。允為論次之功。宜極宸嘉。以旌殊烈。允在陶鈞之內。敢忘打璣之情。某久沐恩波。尚塵康粟。琅函素笈。及賴鍾山秘典之藏。羽蓋霓旌。想漢殿皇儀之盛。莫慶蓬展。徒切望風。史浩鄭奉真隱漫。

永樂大典卷九百十七

八

錄除太師謝留右丞相啓。充負帝傳。已懷非擬之羞。進位師垣。更冒曲成之造。固辭弗可。承命知榮。伏念某少也。迭遭晚焉。遇合東鈞。按席。羨摠經濟之才。摘句清廟。何補禔熙之學。深虞曷日。旋即引年。又財病於漳濱。徒馳神於魏闕。屬大明之耀照。登萬物以皆新。豈料陳人。首露滯涯。嘗歷觀於舊弼。竊有感於孤衷。文潞公溫章蔡之不知。呂申國喜范韓之得志。遭時各異。享福斯殊。矧某至愚。豈回敢望。幸宗工之當軸。冀宏度以匡瑕。膺寵自天。既荷兩宮之眷佑。歸恩有地。實繁一相之甄錄。茲蓋伏遇某官德厚無垠。勲高不伐。伊尹以天下自任。夙簡上心。留侯為帝者之師。堯繩祖武。當論道經邦之暇。有好賢樂善之誠。遂使孱微。亦叨光潤。面摠魏始。漸揚執之在前。結草穎同。願捐軀之敢後。其為感幸。罔既敷宣。金正叔集賀北京實太師啓。伏以正吉始和。通班常於都鄙。仁賢胥慶。宜獲祐於神明。恭以某官。著效真儒。助宣元化。協恭一德。時方倚重於阿衡。營致太平。議者比才於公旦。外嚴宮鑰。安輯都城。雖兩京舉被於仁風。而四海望深於霖雨。光齊台極。坐擁春祺。佇促壘書。重調鼎鍊。某棲庶在遠。獻壽無階。瞻望鈞嚴。無任依頌之至。林希遠竹溪集賀丞相除太師劄。國重元勳。階崇極品。茲惟后矣。宅收宅準。以式四方。曰吾師乎。為仁為義。而澤萬

世維垣之避必陟。告廷之命又新。喜動瓊瑛。輝派簡冉。竊以宗社之重。所寄一賢。古今之難。莫如二事。詰今王以敬德。時惟升陞之伊。保冲予以居師。是亦征東之且。自漢唐以來。鮮此。惟殷周之老兼之。乃若皇家。非無名哲。澧淵之冠。遺恨於天。禧好水之韓。始稱於嘉祐。呂相有不名之寵。於平世何為。紫巖任中興之功。而末揚不與。蓋嘗觀田父吳起之問答。誦采薇天保之聲詩。我思古人。式至今日。恭惟某官。盛德元老。耆儒宗工。聲猷遠聳於典謨。勳烈徧銘於彝鼎。乃倅再造。在長江飲馬之初。忠濟兩朝。實大賢遺龜之際。指芴垂紳。而聲色不動。敏經訂禮。而再號具嚴。快話新條。皆述行於先志。登延辰正。即詒翼之初謀。此成磐石之安。垂了因山之仗。爾乃攀烏號。而如慕。奉龍輔。以請行。兩宮迭勉。諭以莫留。四海誦奏。篇而殊立。導恭八萋。歸秩九虞。清廟之對在天。心質祖宗。而無愧。或池之浴出日。功於社稷。以愈隆。爰即上垣。榮躋絕席。殊弗揣謙之志。實無可酬之官。雖韓以勛。浴以平。未有如公之全美。使河如帶。山如礪。所宜與國以長存。樹予一人。期之于載。某叨居化治。喜際明時。早棲莫望於鷓。嚴勇躍敢鳴於燕。賀第題拙陋。苟究形容。加正治之席。而啓黃扉。公何樂此。退先帝之遇。以光遺德。世所望焉。馮縉雲先生集上太師詩文劄子 某具申稟日恭

永樂大典卷九百十七

想已徹鈞几。華年災厄。瀕於死所。遇病傳少定。向能用意。翰墨事典。其藉乎以見古人。豈如獻之師席。亦足以知名人。雖廢而學不致廢。庶幾無負平生教。載獎與之恩。有詩文各一通。謹致帳下。某干冒鈞嚴。無任震懼之至。唐贈唐元稹微之以憲宗時。王叔文王任蒙幸太子宮。而撓國政。稹謂且選正人輔道。因獻書曰。賈誼有言。三代之君。仁且久者。教之然也。周成王本中才。近管蔡。則讒入。任周召。則善聞。豈天聰明哉。而况克終于道者。教也。始為太子也。太公為師。周公為傅。召公為保。伯禽唐叔與將。目不聞淫。聽耳不聞優笑。居不近庸邪。玩不備珍異。反為君也。血氣既定。將習既成。雖有放心。不能奪已成之性。則彼道德之言。固吾所習聞。陳之者易。諭為。回佞庸。違固吾所積懼。諂之者易。辨為人之情。莫不權所能。黨所近。苟得志。必快其所蘊。物性亦然。故魚得水而游。鳥乘風而翔。火得薪而熾。夫成王所蘊。道德也。所近。聖賢也。快其蘊。則興禮樂。朝諸侯。措刑罰。教之至也。太宗為太子。選知道德者十八人。與之游。即位後。雖宴間。飲食十八人者。皆在上。之失。無不言。下之情。無不達。不四三年。而名高盛。古斯將習之效也。宋景文公集安撫太師相公書 某惶恐。今茲淫雨。溢河相輔。為患無慮千里。人將其魚。安撫太師相公身督吏下。郭塞濟護。一面堵安。人不



流指發倉廩。理道尚存止。皆濟此。畢國益拔。所以樹明德也。德之在人。也深。則所報長。宜乎享萬鍾壽。期頤。帝冠四輔。為國元老。決不疑已。比來百體若何。固太和馮厚。而祀社成。荷也。某部中有秋什八以上。但地狹。載數百里。林麓間之。不能及。它自濟而已。乃賒波所及也。州等備。直已辦。民無橫調。文如律令。邊候寂然。已舒深慮。秋晏為邦。國愛重。昔嵇康文集。大師藏。浩浩太素。陽曜陰凝。二儀陶化。人倫肇興。爰初真昧。不慮不營。德以物開。志以事成。祀機觸害。智不救生。宗長歸仁。自然之情。故君道固然。必託賢明。茫茫在昔。罔或不寧。華昏既往。昭以皇義。默靜無文。大樸未虧。萬物熙熙。不天不濁。降及唐虞。猶為其緒。體茲易簡。應天順矩。締褐其裳。土木其宇。物或失性。懼若在手。疇咨熙載。終禪舜禹。夫統之者勞。仰之者逸。至人重身。素而不恤。故于州稱疾。石戶來祥。許由鞠躬。解長九州。先王仁愛。愍世憂時。哀萬物之將頽。然後莅之。下逮德衰。大道沉淪。智惠日用。而漸私其親。懼物乖離。攘臂立仁。名利愈竟。繁禮屢陳。刑教爭馳。天性喪真。李陵逢。繼體冰資。憑尊恃勢。不友不師。率割天下。以奉其私。故君位益侈。臣路生心。竭智其國。不久灰沉。賞罰雖存。莫歡莫禁。若乃驕盈肆志。阻兵擅權。矜威縱虐。禍崇丘山。刑本懲暴。今以宵賢。昔為天下。今為一身。下

疾其上。君猜其臣。喪亂弘多。國乃傾顛。駘卒不道。首級素旗。周朝敗度。厥人是謀。楚靈極暴。乾糞漬飯。晉厲殘靈。樂書作難。主父棄禮。驚胎不宰。秦呈荼毒。禍派四海。是以上國繼踵。古今相承。醜彼摧城。而襲其亡。初安若山。後敗如崩。臨月振鋒。悔何所增。故居帝王者。無曰我尊。慢介德音。無曰我強。肆於驕淫。棄彼佞幸。納此逆類。設言順耳。染得生志。悠悠庶類。我控我言。唯賢是擇。何必親戚。順乃造好。民實肯効。治亂之原。豈無昌教。榜榜天子。思聞其德。虚心導人。先求謙言。師臣司訓。敢告在獻。歐陽公集。皇考大師祭文。嗣子其官。脩謹以清酌。庶羞之奠。及太常少卿。給事中。太子少師。大師告身。四通。告于皇考。大師之靈。曰。脩獲罪于天。切惟孤苦。蒙賴積德。積善之慶。不殞其躬。侍從士大夫之列。天子哀其祿。不獲養。而寵及其親。曰。非以為榮。俾以伸汝志。亦以示國家推仁廣惠。不忘人之先也。有慶賜之恩。而又有官秩之寵。尊元年季秋。天子恭謝天地于大慶。則有太常少卿之命。四年孟冬。裕家作洽享于廟。則有給事中之贈。五年冬。十一月。脩忝貳樞密。則有少師之錫。明年閏八月。承之東府。則有太師之告。而脩官職有守。不得以時躬親。即事。留君之命于家。不恭不勉。力於其親。不孝罪莫大焉。是以涕泣憂懼。不能自安。董遣元之子。廬陵縣尉。嗣立



以告尚饗。是無咎集同李昭紀陳祭贈太師李公文。維元祐四年月日。某官某等。謹遣某以清酌庶羞之美。致祭于贈太師李公之靈。而言曰。自昔布衣起家之士。必其學可用。德可立。而才可為。近可以利當世。而遠可以遺後人。兼是三者。公侯之器。至其莫施。時則不登。公魏大姓。世豪以資。散其千金。負笈求師。爰以進士。得官天聖。抱其所能。而止一令。造物報人。微與之期。是生左丞。出秉政機。河鬻其原。用攻斯上。機以龍章。西山之麓。曰于曰孫。有公及士。服其命服。奉此祭事。生雖莫施。而設顯名。有表其阡。邦人所榮。某等於公。其生既後。咸以賤貧。左丞所厚。不獲相事。一官所櫻。馳詞侑美。亦以抒情。尚饗。石介祖徠集顏魯公太師。唐家六世樹威恩。外建藩翰。禦不賓。二十三州同陷賊。平原猶有一忠良。聖賢道在惟顏子。忠烈名存獨果卿。甘向賊庭守節死。不羞吾祖與吾兄。梅聖俞宛陵集。依韻和酬大師相公。相國推心本至平。欲揚蕭艾作蘭馨。狐根易變終微賤。美澤難容浸晦冥。楚客嘗聞初若若。王孫誰復顧青青。東風已與生成足。不敢希冀在帝庭。王珪華陽集。和致政太師潞國文公以賜燕王津園感恩述懷。玉符初解自逍遙。暫駕安車近九霄。無限高名齊少室。不言休績在三朝。埒披雲笈呼遼鶴。忽把仙巾換漢貂。御苑清明開特燕。莫

永樂大典卷九百十七

解倦體勸金蕉。瓊林苑御筵奉送致政太師潞國文公歸西洛。祖燕。惟移玉殿班。都人齊向苑傍看。古來少有三師退。天下曾將大器安。綠野春深花更好。石樓夜半月應寒。塵埃抖擻無餘事。却憶磻溪舊釣竿。劉忠肅公集。送致政太師歸洛。元豐天子賜安車。黃髮翩翩翊聖初。坐省故。携靈壽杖。會朝仍駕虎賁輿。平泉花木春常在。遠水城池鶴自如。身是亦。松無一事。乳桐孫竹看扶疎。王魏公集。謹賦五言一章。贈別致政太師。封國營丘近。行廬洛水渾。位齊師尚父。名重相公孫。勲業歸宗祏。威聲寄。塞垣。安居今日老。魏闕此心存。祖燕臨華省。賡歌屈至尊。里門多喜色。雲。漢在瑤琨。蘇魏公集。次韻開府太師留別諸公。經濟才謨沛有餘。惜然。高謝意何如。青雲路盡尋歸鞅。綠野室成憶舊廬。漢苑宴游聯魏丙。鄴都。賓客記應徐。某。頃年奉使過北都。伏蒙留連累日。早來請見。亦嘗語及。他。時若到城南地。入副宸衷對綺疎。開府路公太師得謝西歸。謹賦七言。四韻詩五首。拜送。幾夕華星動紫躔。少微光入太微垣。帝臨使座延公。衆人喜安車到國門。懸。叙官儀。還漢節。親承需宴酌。免搏朝家貴老超。三代。傳文行看記善言。聖代登庸年獨少。清時得謝齒尤高。國朝以來。惟。公四十三。入相。官師雖同。而科不在。正。月。近年張大傳。陳官師致仕。年。

# 永樂大典

## 卷九一七

最高。亦未及七十九。官如中令躬無疾。文似司空思不勞。題中今雖以大  
傳歸葬。時已昨疾。李司空素病。心持發歎。稱感。日謂久任。文字。故。芳。後。思  
慮。而。致。是。耳。皆。不。及。公。之。奇。康。王。座。案。經。道。對。日。金。臺。加。禮。賜。春。醪。公。初  
至。都。門。諸。生。疏。外。到。賜。御。酒。仍。宣。諭。選。擇。剛。日。與。公。相。見。祝。公。倍。享。靈。椿  
算。長。到。吾。君。存。燕。毛。官。崇。真。是。帝。玉。師。八。十。歸。休。亦。未。遂。不。似。孔。光。辭  
位。日。早。於。姜。望。出。封。時。儀。形。昔。已。圖。麟。閣。華。草。今。應。集。鳳。池。鄭。吹。集。魏。月  
池。集。羊。膺。多。走。指。五。軍。圖。大。車。故。府。諸。僚。終。有。愧。甘。陵。猶。欠。紀。功。碑。君  
臣。一。德。千。齡。際。柱。石。三。朝。四。紀。中。天。下。重。輕。常。繫。望。膝。前。謀。議。不。言。功。位  
高。少。有。名。兼。美。體。健。方。知。福。更。隆。護。道。汾。陽。貴。且。壽。若。論。勳。考。亦。慙。公。  
久。持。邦。柄。擅。斯。文。却。掃。丘。園。脫。世。紛。已。用。三。篇。作。霖。雨。回。看。萬。事。似。浮。雲  
何。須。祭。戟。榮。歸。路。自有。祈。常。戴。舊。勳。欲。別。廷。英。猶。造。膝。老。臣。雖。去。不。忘。君  
宋。景。文。公。集。將。道。洛。先。寄。大。師。文。相。公。兩。鬢。蓬。飛。歲。月。侵。收。還。秘。殿。上  
恩。深。烏。毛。落。盡。那。勝。彈。古。善。彈。者。毛。盡。禽。不。死。桐。尾。燒。焦。敢。望。琴。前。日。化  
工。依。大。冶。守。司。政。官。相。用。啓。微。今。茲。舊。物。侍。遺。簪。塵。容。喜。接。熒。煌。坐。未。忍  
公。然。動。越。吟。司。馬。溫。公。傳。家。集。效。趙。學。士。體。成。口。號。十。章。獻。開。府。大。師。  
都。人。共。喜。大。師。回。此。頃。必。切。戶。爭。迎。不。得。催。正。直。上。樓。灘。水。淺。大。家。出。手

永樂大典卷九百七

十二

挽船來。東郊車馬走紅塵。城外多於城裏人。誰信今朝逐政後。過如前  
歲下車新。歸來再可及春殘。丞相頻邀賞牡丹。遠處名園多不到。樽前  
日獻百餘盤。洛陽風俗重繁華。倚捨樵夫亦載花。貪看二公同宴會。遊  
人昏黑忘還家。公厨初許釀芳樽。屢喚賓朋醉後圓。詭浪略無名位問  
誰人知道太師尊。過春稀後到諸園。厭苦終朝鼓吹喧。招得古僧江外  
至。吸茶揮麈話松軒。東田小籍選新聲。歌吹胡琴色色精。客少有時全  
不用。天然水竹湛餘清。首夏清和新雨晴。綠莎細軟不妨行。園夫過道  
白何事。挽子花開斑笋生。矮帽長絛紫紵衫。朱門深靜似重巖。莫言永  
日潭無事。種藥移花一一監。八十聰明強健身。况從杖屨乘鴻鈞。功石  
富貴古亦有無事歸來能幾人。范文正公集贈廣宣太師。憶昔同遊紫  
閣雲。別來三十二迴春。白頭相見叟林下。猶是清朝未退人。范忠宣公集  
效宮詞體上文太師十絕。三。紀。中。書。吏。有。誰。致。君。亮。舜。似。畢。變。頻。年。力  
請。方。歸。第。天。子。臨。軒。冊。太。師。太。師。選。政。異。尋。常。前。殿。鋪。張。冊。禮。忙。入。對  
誰。知。年。八。十。身。輕。拜。舞。謝。吾。皇。吾。皇。重。喜。見。儀。刑。對。御。排。場。結。綵。棚。纓  
見。罷。時。先。賜。宴。御。前。親。勸。一金。觥。上。前。一。飲。解。金。觥。侍。宴。群。公。喜。且。驚  
呂。尚。鸞。熊。今。復。見。神。仙。不。必。在。蓬。瀛。蓬。瀛。聞。說。有。仙。居。甲。第。園。林。想。亦



如遠園琅玕抽翠竹。平流琴瑟走清渠。清渠瀉水灌東田。十頃方塘不  
 種蓮。白鳥往來明鏡裏。畫舫安穩坐青天。天上雖傳周伯星。應期為瑞  
 有常經。不如全享康寧福。訪水尋山到處行。行樂心清日日添。詩最酒  
 健獨能兼。從容對客忘威重。自是天真不是謙。謙虛久已得民心。三尹  
 西都惠愛深。一自安居朝闕去。萬人側耳聽歸音。歸日天恩賜畫船。傾  
 城士女盡迎觀。國家連夜擊鈞龍。禹趨明朝獻牡丹。華鎮雲漢居集宮使  
 祭大師。天貽真宰贊重熙。何日來符命世期。五夜燕遊无夕後。三陽交  
 泰上春時。維師事業前無呂。先覺心靈世有伊。首翰化機熙帝載。替休祠  
 館動民思。和羹終付盞梅子。伏節難稽柱石姿。華屋早開丞相第。采衣新  
 賦我公詩。湘桃滿院先風轉。素手成蹊叔景逢。鼎席具瞻何所願。祝公眉  
 壽等蓮萼。詩海繪章投祭大師。昔年樽酒每逡巡。此日遙瞻百辟尊。零  
 落羽毛迷鳳穴。遷藏麟甲謝龍門。來非東閣天上客。歸爰武陵花下源。肯  
 學東絲事游說。區區來往謾高軒。來奉使詩次韻劉大師苦吟之什。長  
 城五字屹遙遙。可笑偏師敢出奇。句柄推敲未安處。韻史於繁益難時。蘇  
 迷竟作禽填海。辛苦真成蟻度絲。却羨摘明攻具速。劉侯漫說也能詩。王  
 灼願堂集投祭大師 雙龍閣下五雲新。喜見天元第一春。郭使來輸

永樂大典卷九百十七

朝會玉。儒宮望拜屬車塵。囊空赤白閑邊將。雨足公私快野人。潭是昇平  
 好時節。誰將盛事勒蒼珉。今代堂堂有魏公。十方三際指揮中。熟名已  
 恨古人隘。歌詠端知寸筆窮。還第文疏愧故日。嗜茶安石馬嘶風。此時誰  
 作登門客。看吐經綸氣似虹。相府潭潭接斗魁。門披戟帶絕纖埃。小山  
 叢桂何由識。東閣長裾許暫陪。繞水驚鳥棲未定。憑軒瘦馬望重來。酬恩  
 有膽大如斗。造化爐中肯轉回。三徑荒蕪釣艇閒。中興冠蓋擬躋攀。有  
 文數過金閨彥。無籍堪聯玉笋班。斷遣鄉愁歸魯酒。安排客恨上吳山。相  
 門賓幣多珠履。自笑風埃蹭蹬間。董霜傑先生集上大師相公 奕奕三  
 山間氣儲。真儒崛起應時須。十年兩俱來膚使。萬里慈寧復舊都。介有一  
 新周禮樂。廟堂遠邁漢規摹。無窮基業無窮閣。尚父神明更力扶。張紫微  
 先生集三月二日奉詔赴西園曲宴席上賦呈致政閣府大師 臨中杜  
 第已歸休。當宁虛懷更款留。避龍難辭持節再。送行猶用濟川舟。城南萬  
 國扁花洞。洛下新莊引御溝。詔諭兩京居密過。不妨乘興往還遊。邦人  
 欽佇見儀刑。詔使相望對龍靈。位冠三公師尚父。劉向云。師尚父之。父之  
 以謂之師尚父。躬全五福壽原寧。父留行色春過半。乍別天顏涕欲零。誰  
 識上心優老意。從行仍許鯉趨庭。昔美都門祖二疎。太冲篇詠貴良圖。不



聞賓主俱公鼎。未見篇章出寶笈。河岳英靈添賦詠。都人士女競歡娛。皆言元老歸休盛。恩禮優蕃自古無。張鑑湖南集寄呈史大師二首。昔爲金闕相。曾是玉皇師。近即維垣拜。還從彭祖期。傳聞風景勝。多賦洞天詩。肯示漁樵否。林間要勒碑。自憐冰氏子。父祖已登門。屏跡于官外。馳書一品尊。華戎心處法。奇皇維共。生全南北之民。公實主謀。經傳語前論。公問居屨有經解。欲理西風棹。因瞻祇樹園。公嘗於里第。高臥堂存。葉大師百僚長。歷代皆有之。所用有賢否。邦以分安危。惟彼太公望。桓桓定周基。至於尸氏徒。寧逃小雅譏。漢唐姑勿論。我朝有元龜。路公四朝老。德望鎮華夷。吐哉京檜作。言之可歎歎。近者揚王庭。舉朝莫言非。太潞不可作。吾其誰與歸。元貢奉父闕南集。代祀遂呈大師。丞相傳宣出紫宸。鶯花萬里浙江春。捷書近已擒豺虎。瑞紀還先慶鳳麟。宇宙經綸歸聖主。山河帶礪屬元臣。幾回疑涕雲霄上。夜夜三台拱北辰。年來供奉屢違官。聖主恩同宇宙寬。左部正慚疏史積。西曹仍許進儒冠。清時有道遺蓬易。白髮無才補報難。却上船頭望江月。天風吹露不勝寒。張思廉王司集。韓大師。黃祖飛着嘉王體。閤門知事隨龍起。經筵侍講戲倡優。定策宗臣永州死。諫司臺憲鷹犬多。擊搏忠正收讒阿。何劉胡沈舍牙爪。五十九

永樂大典卷九百十七

十四

賢技網羅。北珠冠子高一尺。十四夫人分龍席。行燈于夜闌。元宵京尹明朝轉恩澤。地衣紅錦齊中堂。真珠搭當生明光。大臣排列賀生旦。進奏文移行四方。大師權重專天眷。邊警胡爲啓征戰。發行宮省勢如山。一日惡盈翻局面。王澤園裏悲風生。日色恹恹天冥冥。中軍統制擁車鼓。密音一語加天刑。天殺權奸天假手。何事斲棺遠函首。君王不復三世讎。地下權奸堪藉口。元僧盤谷遊山詩。訪西巖國公大師。屈指滌江難。德業寒砧九度搗。秋聲風清雲歛碧。天閣重倚吟欄光。倍明。塵累弊屐業精勤。劫外春深覺樹榮。道慕人天諺。問世。教談華梵壓群英。乾坤聲價連城重。閤間恩光照乘明。動地香風滿樓閣。不妨彈指快鵬程。記慕湖海大師賦。偶首鶴禁之司。簡龍樓之瑞。賦司訓諭。德進元尺。月內太公備重紀。魚之成。唐登龍尺。

式非燕點之存。

永樂大典卷之九百十七

永樂大典

卷九一八

# 永樂大典

## 卷九一七

東 錄 總 校 官 侍 郎 臣 高 拱

學 士 臣 瞿 景 淳

分 校 官 編 修 臣 陶 大 臨

書 寫 儒 士 臣 張 夢 祥

圖 點 監 主 臣 叢 仲 耕

臣 徐 瑣